

Moschi in aqua Cinnamomi

Soluti gr. xxv.

Misce, &amp; redigantur in iustam consistentiam.

NOTA: quod portio huius Ladani concinnari  
posset sine Ambra & Moscho, pro iis quibus ho-  
rum vsus molestus est, vel noxius.

## TRACTATVS QVINTVS.

## De Salibus &amp; Magisterijs.

SALium ac Magisteriorum non modica est utili-  
tas in Medecina, quorum illi ex omni prope-  
modum materia artificiosè eliciuntur, potissimum  
ex vegetabili, & Minerali, illiq; vel volatiles, vel fixi.

*Sal Cardui Sancti.*

℞. Cardui Sancti, q. s.

Contunde in mortario marmoreo, & affusa  
Aquâ multa in vase magno coque, decoctum cole-  
tur, & fortiter exprimatur, coquendo iterum cola-  
turam ad Mellis consistentiam, succum ita coctum  
pone in vase vitreo in loco frigido per sex vel sep-  
tem dies, & in fundo reperies Crystallos, quos ef-  
fuso

fuso succo, affusa Aquâ frigida ablues, & exsicca-  
bis.

NOTA: Methodum hanc esse generalem, & breuem pro omni sale volatili ex qualibet herba calida conficienda. Alij succum ex herbis magis succulentis exprimunt & coquunt, & sic sal hoc conficiunt, sed difficilior hic modus in herbis magis exsuccis.

*Sal Absynthy.*

℞. Absynthy sicci, q. s.

Comburatur in cineres. ( possunt in olla terrea furno figuli imposita hi vterius in maiorem albedinem Calcinari ) quibus affunde aquæ stillatiæ Absynthy, aut etiam communis calidæ q. s. digerendo per noctem, postea aquam per inclinationem, & filtrationem effunde, aliam fœcibus superaffundendo toties, dum omnis sal fuerit extractus, tandem omnes Aquas filtratas euaporando lento igne s. a. Coagula, si sal impurior abhuc sit, repetitis dissolutionibus, filtrationibus, & coagulationibus, albidior euadet, qui tandem vasis vitreis stricti colli diligenter obserratis custodiendus.

NOTA: Modo hoc conuenienter ex alijs similiter lignis, ac plantis, sales fixos posse erui, qualis  
in

in

in quotidianos vsus conuenit afferuari ex herbis sequentibus. Nempe ex

	Radicibus	{ Bardanæ,
		{ Angelicæ,
		{ Restæ bouis,
		{ Petasitidis,
		{ Gentianæ,
		{ Tamarisci,
Lignis ac corticibus		{ Fraxini,
		{ Iuniperi,
		{ Genistæ,
		{ Guaiaci,
		{ Artemisïæ,
		{ Betonicæ,
Herbarum		{ Cardui Benedicti,
		{ Centaurij minoris,
		{ Melissæ,
		{ Rosmarini,
		{ Saxifragiæ,

Vt sales hi nitidiores, ac magis transparentes habeantur, multi instituunt materiæ calcinationem cum Sulphure, faciendo stratum super stratum, aut etiam cum equali parte salis Gemmæ. Alij paratis salibus affundunt spiritum salis, vel vitrioli, sed artificiosè hi fucati sales, aliquid simul adulterinæ virtutis assumunt.

Sal,

*Sal. Cremor, Crystalli Tartari.**Sal fit.*

℞. Tartari q. s. ponatur in vase fictili plani fundi, qui ad crassitiem digiti illo contegatur, calcinetur igne reuerberij moderato, per quinque, vel sex horas, tum perfundatur Aquâ communi, filtretur & Coaguletur s. a.

*Cremor fit.*

℞. Tartarum contusum, & Aquâ aliquoties ablutum, dein coque, primo apparebit Crusta nigrior ac sæculenta, quæ auferenda, sequens Cremor purior & albidior colligendus, siccandus ac leuigandus postquam aqua refrixerit, reiterando ebullitionem, hic labor sæpius repetendus.

*Crystalli fiunt.*

℞. Tartari albi erassiulculè contusi q. s. abluere Aquâ frigida, & post inde cucurbitæ vitreæ & affusa Aquâ horis quinque vel sex bulliant in Arena, quæ postea adhuc calens fileretur per chartam bibulam in aliud suppositum vitrum satis capax & crassum, & nonnihil calidum reponatur dein in cellam vel loco frigido per noctem, & Crystallos inuenies circa vitrum concretos, quos sicca & reponere, ebullitiones hæ & filtrationes &c. nouæ Aquæ

270 DE SALIBVS ET MAGISTERIIS.  
quæ affusione sæpe repetendæ, donec Tartarus to-  
tus in cristallos abierit.

*Tartarum Vitriolatum.*

℞. Olei Tartari per deliquium filtrati per  
chartam Emporeticam ℥ iiii.

Ponantur in vase terreo lati oris, super cineres  
calentes sinendo parum euaporare, tunc guttatim  
instillando, affunde.

Olei vitrioli optimè rectificati ℥ ij.  
Cessante ebullitione, puluis coagulatur albissi-  
mus qui fundum petit, qui lento calore ultra exsic-  
catus, in vltus recondendus.

*Tartarum Nitratum.*

℞. Salis Tartari,  
Nitri præparati, ana ℥ ꝑ.

Soluantur in Aqua calida Rosarum, postea fil-  
trentur & super ignem mediocriter coquantur, do-  
nec quasi crustam acquirant, quæ remoueat, &  
reliquum in frigido concresecere sine in Cry stallos  
albissimos.

*Sal prunellæ, ceu Crystallum Minerale.*

℞. Salis Nitri purissimi ℥ v iij.  
vel quantum vis.

Li-

Liquefiat in catino, igne mediocri, post super insperge Sulphuris puri (aut quod melius) florum sulphuris ʒj. vel ʒij. postquam deflagauerint, toties renouando, donec repetitis vicibus, pro singula Nitri vncia, dragma vna, vel duæ sulphuris consumptæ sint, & nitrum planè purum fuerit, tunc effundatur super Marmor vel Tabulam.

NOTA: si crystallos salis Prunellæ pellucidissimos optes, sal prunellæ contritum, soluendum esse Aquâ rosacea vel aliâ Cardiacâ, solutiones postmodum filtratas, postquam exhalauerint dimidia parte, loco frigido esse reponendas, vt Crystalli prodeant, quod repetito labore facilè obtinebis.

*Sal, siue saccharum Saturni.*

**R̄.** Calcem plumbi, vel (quod alij magis laudant) plumbum in minuta granula redactum, ea quantitate qua lubet,

Affunde Aceti optimi destillati, q. s. & stent simul aliquandiu in digestionem, illud aliquoties decanta super plumbum nouum affundendo, & digerendo vt prius, decantationes omnes filtra, & euaporando coagula, & habebitur Sal Saturni, quod iteratis solutionibus, & filtrationibus (primo in Aceto, deinde in aqua pura) purificari, & tandem ad crystallisandum reponi poterit.

**N O T A:** Facilius hoc negotium perfici, si Acetum affundendum acuatur cum spiritu Tartari, vel vitrioli, debita proportione commixti.

*Sal vitrioli vomituum.*

**℞.** Vitrioli albi q. s.

Solue in Aqua, filtra & euapora, donec quædam Crusta supernatans appareat, ponatur dein in loco frigido, & concrenent crytalli, quos exime relictis facibus, quæ subsident: solutiones, filtrationes, & coagulationes (ultimo tamen cum aqua Rosarum, vel (quod alijs placet) cum aq. Centaurij minoris) tertio repetantur, & crytalli iam purificati, & calore leni exsiccati) redigantur in puluerem album diligenter in vitro asseruandum.

*Sal, siue Magisterium Corallorum.*

**℞.** Corallorum Rubrorum subtilissimè puluerisatorum ac læuigatorum quantum vis.

Pulueri in vase idoneo affunde Aceti destillati q. s. ad trium, vel quatuor digitorum eminentiam, & super cineres calidos simul digerantur per septem, vel octo dies, donec dissoluatur, hoc separa per inclinationem, rursus aliud pulueri affundendo, donec omnino dissolutus sit, sæpius reiterando, trajiciatur

tur

tur liquor per chartam bibulam, post infunde paulatim Olei Tartari perdeliquium, & præcipitabitur puluis albus, qui aquâ pluuiâ, post aquâ borraginis, vel alia Cardiacâ abluendus, edulcorandus, & debite desiccatus reponendus.

Nota: eadem planè operâ obtineri potest

*Sal chaliibis deopulatinus.*

℞. Limaturæ Chaliibis quantum vis.

Irrora optimo Aceto, vt pasta inde fiat quæ siccet. Siccatâ tere, & irrorâ iterum & exsicca, idque multoties repete, tandem effunde phlegma aceti quod coque, & filtra, humiditate in B. M. abstracta, digere cum spiritu vini, & Crystallos profusos sicca, & serua ad vsûm.

*Sal Margaritarum.*

Has tamen prius tritas subtilissimè, impasta cum succo Citri vel Aurantij acidi, & sic relinquendo, post aliquot dies affunde Acetum procedendo vltra, methodo supra datâ.

*Sal, siue Magisterium*

Lapidum pretiosor. vt { Rubini  
Hyacinthi,  
Smaragdi, &c.

Ll3

Lapi-



Lapidum quoque { Lyncis,  
 { Iudaici,  
 { Lazuli &c.

Fit calcinando s.a. materiam lapideam, (quam eligis) cum sulphure, soluendo illam post cum Aceto vini optimo, & tandem cum oleo Tartari præcipitando magisterium, quod à menstruo solvente separandum s.a. & exsiccandum.

*Magisterium, seu Lac Sulphuris.*

℞. Florum Sulphuris ʒj.  
 Salis Tartari ʒiij.

Misce, & superaffunde Aquæ communis Ꝟ iij. digere in arena per diem naturalem, ita vt sub finem aqua ferè bulliat, & Sulphur penè omne solutum fuerit, postea filtra calidè per chartam Emporeticam, & superfunde Aceti destillati, vel vini Austeriusculi q. s. sic Cremor lacteus Sulphuris, paulatim petet fundum, per inclinationem Menstruum soluens separetur, & reiteratis ablutionibus, vltimò cum aqua quadam cordiali digeratur, & desicceetur.

*Magi-*

*Magisterium C. Cerui.*

℞ Rasuræ vel Limaturæ C. Cerui ꝑvj.  
vel quantum vis.

Irrigentur Spiritu Nitri affuso q. s. & stent aliquamdiu in digestionem, vt solui possint, post superadde Acetum optimè destillatum, aliquot adhuc sinendo diebus in digestionem, Menstruum filtratur per chartam bibulam, demū immisso oleo Tartari, facto per deliquium, q. s. videbis in fundo præcipitari puluerem, & conspectu, & virtute simul insigni elegantem, qui frequenter ablutus & conuenienter desiccatus, ad vsum reponendus.

NOTA: modo hoc feliciter quoque succedere

Magisteria { Eboris,  
Vngulæ Alcis,  
Crany humani, &c.

Ex quibus etiam pulueres multum efficaces, & non ingrati saporis per solam Calcinationem Philosophicam eruuntur, quæ hoc modo instituitur.

*Calcinatio Philosophica, sine igne dicta.*

Cape materiam aptam huic Calcinationi quamvis (v. g.) Cornu Cerui in frustula comminuti, hæc  
Inde

Inde, ac suspende in Capitello, seu parte superiore Vesicæ, quæ aliquota liquoris portione adimpleta sit, hinc subtus accenditur ignis, & vapor vi caloris elevatus, Cornua peruadendo ac penetrando, illa friabilia paulatim ac candida reddit (quod opus ferè est trium dierum)

*Magisterium oculorum Cancri.*

℞. Oculorum Cancrorum subtiliter  
puluerisatorum. v. g.  $\bar{z}$  v.

Olei Tartari per deliquium  $\bar{z}$  vj.

Digerantur in Balneo, vel fimo Equino per quindecim dies, postea coagula materiam in phiala in arena collocata, coagulatam puluerisa, puluerique spiritum vini affunde, & digere postea ad crassitiem olei, Spiritum abstrahe; vel etiam aliter: affundendo Aquam pluuiam (loco spiritus vini) destillatam, vel euaporatione, vel præcipitatione s. a, magisterium collige sub forma pulueris.

*Magisterium Succini.*

℞. Succini puluerisati, quantum vis.

Affunde spiritus vitæ rectificatissimi q. s. Solve, decanta, & præcipita cum aqua fontis, & remanebit in fundo magisterium. Potest redigi sub forma Extracti, abstrahendo Spiritum vini in B. M. s. a.

No.

NOTA: Sal succini volatile, dum oleum eius vi ignis elicitur, vt plurimum concrefcere circa summam interioris alembici superficiem, quod studiose colligendum.

## TRACTATVS SEXTVS.

### De Varijs Crocis.

AD magnorum morborum medelam offert Crocos varios Chymia, maximè vfitati & efficaces sunt pauci hic inserti.

#### *Crocus Metallorum.*

R̄. Antimonij nitidi & electi,

Salis Nitri purificati, ana part. equales.

Redige simul in puluerem, hunc inde in sartagine ferream, aut vas figulinum, & post, carbone viuo iniecto, materia accendatur, quæ dum deflagrat (instar pulueris quasi tormentarij, continuo rudiculâ ferrea est agitanda, vsque dum frigefacta, colorè quasi Ochreæ Anglicæ assumat, hoc factio materia proijciatur in aquâ calidâ, à qua omnis sulfugo

M m

la-